

**Fra:** Peter Barfoed [<mailto:peter@tegnestuen.gl>]

**Sendt:** 7. september 2012 22:59

**Til:** Karl Kærn

**Emne:** VS: Kujalleq Kommuneplan 2011-2022 Mail 3 af 3

Hej Karl Kærn

Aajuna mailit pingasuusut pingajuat kommunimut pilersaarummut siunnersuummut oqaaseqaatitalik.

1. Paasilluarneqartariaqarpoq Qaqortoq tamakkerluni sanaartorfiusimammat, ukiorlu manna apummit sisoorfigitittoqarnerata tamanna ersersippaa. Prinsessep qulaani sanaartorfiit nutaat anorituallaarlutik kajungernartuunngillat. Aamma Prinsessep illuatungaani ineqarfiliorfissatut pilersaarutigineqartut taamaapput.

Taarsiullugu Narsaq ineriartorfissaqarnerusoq alliertortinneqartariaqarpoq.

2. Narsap Qaqortullu akornanni aqqusineq assorsuaq pingaartinneqartarpoq. Arnat nuuata nalaatigut biilinit ikaartaatilerlugu.

3. Aamma Narsamiit Narsarsuarmut aqqusineq pingaartinneqartariaqaaq.

4. Tassunga atatillugu suliaq siulleg tassaassaaq Narsarsuup kuuata 6 meterinik silissusilimmik ikaartarfilerneqarnera. Tassa 60-70 meterinik takissusilimmik. Kiisalu Qassiarsummut aqqusineq Suliassaq taanna Kommune Kujalliup Narsap Kommunerisimasaanit kingornussaraa puiguinnarneqarsimasoq.

5. Narsarsuup eqqaani amerikamiut mingutsitsiffigisimasaat sumiissusersisariaqarput qanorlu annertutiginersut paasilluarneqartariaqarlutik. Saliinerlu aallartinneqassaaq, tak. Kangilinnguani mingutsitsineq tassunga assingusoq.

6. Mittarfik eqqarsaatigalugu qullernut mikkiartornermi najoqqutarineqartartunut 720-900 meterit nalaanniittunut inissiivissamik kangerlummi nunniugaliortoqartariaqarpoq. Aammalu taakku assinginik sermip tungaanut sammisumi inissiisoqartariaqarluni.

Atortorisaaarutaannaat atorlugit Narsarsuarmi mittoqartalissappat qullit mikkiartornermi najoqqutat pinngitsoorneqarsinnaanngillat sanimut initussusereqqusaagaluartumut qaqqanit asseqqaneqartumut taarsiullugit.

Aamma GPS atorlugu mikkiartornermi periaasissanik suliaqartoqartariaqarpoq.

Taamaaliornikkut Narsarsuup miffigineqarsinnaanera qularnaannerulissaaq kujataanut tamarmut iluaqutaasussamik.

Massakkorpiaq Norgemi taamaaliortoqarpoq.

7. Nanortalimmi, Alluitsup Paani, Qaqortumi Narsamilu (Narsaq Qaqortorlu ataatsimoorussisinnaapput) Twin-otterinut mittarfiliorneq sulissutigineqartariaqarpoq. Paamiuni Twin-otterinut mittarfeqarneratigut Paamiut aamma Kujallermut qaninnerulersinneqassaaq.

Oqaatigisariaqarportaaq Arsummi Kangilinnguani Twin-otterinut mittarfiliortoqarnissaanik siunnersuuteqartoqarsimammat.

Twin-otterinut mittarfiliortiternikkut Narsarsuaq kujataanut tamarmut mittarfissuartut atorneqalissaaq, soorlu Buch-ip nalunaarusaatigut september 2001-imeersukkut kaammattuutigineqartoq.

Aamma GPS atorlugu mikkiartornermut periusissiorortoqartariaqarpoq.

8. Imerkik nukissiorfiliorfiusinnaasut ataavartumik misissorluarnerusariaqarput.

Periarfissallit ilumut tutsuuiginartuussagunik ukiuni qassiini misissuiffigineqartariaqarput.

Inuussutissarsiutinik ineriartortitsineq erngup nukinganik tunngaveqassappat uppernaasaat pigineqartariaqarput.

Alloriarneq siulleg massakkut isumagineqartariaqarpoq.

9. Aatsitassarsiorfiusinnaasut Kommunimut pilersaarummut ilanngunneqartariaqarput.

Narsap eqqaani GME-ip aatsitassarsiornissaa toqqarneqartariaqangilaq. Isortumi, Kangerluarsuup Qinguani aammalu Motzfeldtip tasiani periarfissat pilersaarusiami piareersarneqartariaqarput.

10. Mittarfiup inissaata 3-ip atorsinnaanginnera nassuerutigisariaqarpoq pilersaarusiormilu tunngavigineqartariaqarani. Aamma Nuupillummi ikaartaatinut talittarfiliornissaq taamaappoq. Taakku marluk peertariaqarput.

11. Kujataani inuit siammarsimammata, aammalu pujoq anorilu ajornartorsiutaasarmata, kiisalu sikorsuit kangerlunnilu qassiini ukiup sikua ajornartorsiutaajuartarmata kujataata aqquserngit atorlugit atassusersorneqarnissaa pissusissamisuginnartariaqarpoq. Eqqortumik inissikkaanni aput ajornartorsiutaasariaqangilaq. RUS-imi eqqaaneqarsimavoq. Oslomeeqqammerpunga saqqummersitarlu isiginnaarlugu taaguutilik: Utsikter, Norge set fra vejen gennem 300 år (Periarfissat, ukiut 300-it ingerlaneranni Norge aqqusinernit isigalugu). Taanna aammalu Norgemi takornariartitsinermit atatillugu aqquserniortiterneq aqquserniormut paasinninnerulersitsisariaqarpoq. Kujataa aqqusineqangitsoq allaangilaq timi taqaqangitsoq, aammalu inuuneqalernissaminut ineriartornissaminullu periarfissaqangitsoq. Nunarsuup sinnerani uatsinnut sanilliuttakkatsinni tamanna paasilluarneqarsimavoq.

Isumassarsiorfissat, isumaliutigeqqitassat malersoqqitassallu!

Inussiarnersumik inuulluaqqusillunga  
Peter Barfoed

PS! Taagorneqareersut mailit pingasuusut siullianni aammalu Nunap immikkoortuinik ineriartortitsinermit periasissani itisilerneqareerput. Aammalu Taarsigassarsinermit aningaasaliinermullu pilersaarummut oqaaseqaateqarluni mailini 2 aamma 3-imi.

**Fra:** Peter Barfoed [<mailto:peter@tegnestuen.gl>]

**Sendt:** 7. september 2012 20:43

**Til:** Karl Kærn

**Emne:** Kommunimut pilersaarutissatut siunnersuummut akerliliissut mail 1 pingasuusunit Kujataani ineriartortitsineri periusissatut siunnersuut (3)

Hej Karl Kærn

Matumuuna Kujataa Ineriartortitsinermit Periusissaq kommunimut pilersaarummut akerliliissutitut siunnersuutigineqarpoq. Mailit pingasuusut una siullersaraat, tassami Taarsigassarsianut aningaasaliinermullu pilersaarutit maj 2012-imeersut pillugit oqaaseqaatikka aamma tassunga atatillugit atorneqassammata. Taanna mailit pingasuusut aappaat. Aamma mailit pingasuusut pingajuat nutartigaq takkutissaaq.

Inussiarnersumik inuulluaqqusillunga  
Peter Barfoed

**Fra:** Peter Barfoed [<mailto:peter@tegnestuen.gl>]

**Sendt:** 7. september 2012 20:52

**Til:** Karl Kærn

**Emne:** Kommunimut pilersaarutissatut siunnersuummut akerliliissut mailit pingasuusut aappaat: Taarsigassarsinermit aningaasaliinermullu periusissanut oqaaseqaat. Nuna tamakkerlugu sanaartormut pilersaarutissatut siunnersuut. Kujataa. Nunap Immikkoortuanik Ineriartortitsinermit Periusissatut siunnersuummut 18-12-2011-imeersumut ilassut.

Hej Karl Kærn

Nunap Immikkoortuanik ineriartortitsinermut siusinnerusukkut siunnersuutigisimasannut, ullumi mailit pingasuusut siulliattut nassiuteqqitamut, ilanngullugu Taarsigassarsinermut aningaasaliinermullu pilersaarummut oqaaseqaatit kommunimut pilersaarummut akerliliissutitut aamma paasineqassapput. Ilanngunneqarpoq Simon Simonsenimut allakkiaq. Mailit pingasuusut aappaattut nassiunneqarpoq.

Inussiarnersumik inuulluaqqusillunga  
Peter Barfoed